

Tirage non mentionné au 36 OLLIVIER

ANTRETIEN ETRE DAOU ZEN YAOUANC VAR EUR SEPARATION VOLONTER

Var eun lon nevez

Selaouit oll tud yaouanc, eur reson familier,
A henou eur et speret isel zo o chomen Treguer,
Hac en deus ar volonte da zont da zisclerian
An tenor deus an amitie zo arruet gantan.

Crenvoc'h cals eguet ar mor, primoc'h eguet an avel,
Brillantoc'h eguet an tan, douçoc'h eguet ar mel,
Eo chaden an amitie, pa ve parfaitamant
Hac unisset a galon entre daou den yaouanc.

Rre se ta, goaset yaouanc pere a ren er bed,
Ne lakit ket o speret da re garout merc'hed ;
Rac gout ouson ar feçon da douch ar c'halonnou
Mui eguet an doctoret gant o oll discoursiou.

Eun temperament douç o deveus ar merc'hed,
Gant eur galon goal fragil, eun humor imparfet ;
O bisach a zo joaüs, ho daoulagat mignon,
Me o c'halon zo traitour ebars e pep feçon.

Me meus choaset eur vestres, ar vrava femelen
A guement zo er c'hanton, nemet ma zeo bien ;
E merit, e zalanchou a zepant eus an ee,
Mes n'hellan mui e meuli ; ar gloar so da Zoue.

O lumier an divalijen ! da hano eo al Loar,
Te form ar blanedennou a ren var an douar,
Hac ec'h eus va oblijet dre va flaneden galet
Da zisober eur serman pehini am boa gret.

Me a ya da ziscleria eur separation,
Goude cals a garante etre daou guir vignon :
Ar femelen oblijet da zont da chench quartier,
Hac ar mal zoken dalc'het na ell ket a ober.

Cetu ta ar femelen leset en abandon ;
A ramplisset e c'hallon a zesolation,
E rencout n'en separi demeus e c'harante,
Model deus e flijadur, tensor e amitie.

Allas ! eme'r femelen, me a vel brema scler
Ne meus ken var an douar netra ne me miser,
Me na meus na tad na mam o ren var an douar.
Ha muia tra am chagrin, na meus den ac am c'har.

Oll lapouset eue an er, canit tout assembles
Gant eur music elocant, vit ma clevin o moues,
Ma ellin demeus ho pers caout consolation.
Pa zon gant va servicher leset en abandon.

Sant Per, prinç an Ebestel a porsier var an trôn,
Diskennet em c'habinet, roit din consolation,
Pe suppliit an ancou ma teuyo kent an heur,
D'am leniel deus ar bed-ma pa ne meus nemet maleur.

Pa voa'r femelen yaouanc en en desolation
Ec'h antren n'e c'habinet ganti e guir vignon ;
En eur dont d'e zaludi en deus bet goulendet
Petra es eo sujet ma zeo ket contristet.

Ar Plac'h

Me ren dech eur reveranç vel eun Æl eus an eë,
E ma etro ho taouarn chaden va liberte :-
Hanval ous eur martolod trapet etre daou dour,
He ne zeus nemet Doue a ell rei desan sicour.

Ar Goas

E pes feçon Plac'h yaouanc, em be me an alc'hoer
A guement a ranfermife chaden o liberte ?
Rac ne ma ket em pouvoar, pa n'er meritan ket ;
Besa an dispansatour Rouanes ar merc'hed.

Ar Plac'h

Oh ! escusit, den yaouanc, rac n'on ket eun objet
A diefe beso hanvet Rouanes ar merc'hed ;
Evit besa caret dre eur guir amitie,
Ne deuit ket d'am godissa ha bet ousin true.

Ar Goas

Credit hardi, Plac'h yaouanc, en o caran parfet
Hep imblija ar flambos gant Venus almet ;
Kent velfech ar rivierou o pignat d'o sourçen
Eguet biken, va mestres, ac'hanoc'h na drahisfen.

Ar Plac'h

Ret e zeo din finissa ha cessi barlan,
Ho comsou, va mignon ker, am tent meurbet contant :
Me deu da souheti dec'h ar bonheur parfetan :
Eur pried d'am bolonte ho caro evel ma ran.

Ar Goas

Pa rencomp n'em separi, greomp a galon vad,
Kercouls eo ober abred evel a ziveat.
Pa n'em domp ket destinet da vesa priedjou,
Chanç domp ebars er bed-ma a goude hor maro.

Ar Plac'h

Me c'hoar ganen vel Adam barados terrestr,
Pa voe difennet ountan dibri froues gand e Vestr,
Pa zigresq va liberte e cresq va entêtamant ;
Rel eo en em separi bout bepret et contant.

Ar Goas

Felix, Hector ha Pompe, Abeillard ac Anton,
Ar patriach Abraham ac ar fur Salomon,
En nobstant d'oll oll skient o deus renket finissa,
Ha ni dle besa contant d'ober ar memes tra.

Nep en deus gret ar zon-ma a zo c'hoas den yaouanc
Oajet a dri uguenimis en tu-hont da dri-c'hant
Hac en deus-hi composet en desolation,
Touchant eo ar c'halonnou piket gant Cupidon.